

于忠肅公集卷之八

明錢塘于謙廷益甫著

雜行類

新編 書錄 卷之八

兵部爲保舉官員事、吏科抄出、把總脩守紫荆關指、揮僉事等、官董琳等、題先因達賊侵犯之時多從紫荊關經過、該兵部奏、

准差撥臣等管領官軍前來本關脩守除依蒙到關看得本關墻城低薄、山勢平漫、賊虜人馬所行之蹟縱橫猶存、彼時官軍驚惶寢食不寧、莫知所措、衆皆曰難以脩守、幸蒙守備本關大理寺卿孔文英都督同知顧興祖運謀設法、撫恤軍士、盡心竭力、不避艱險、晝夜區畫、提督官軍將關口墻垣打取糙面、大石插和灰泥、幫加高厚、燒辦磚瓦、圈造城門、起蓋樓鋪、添築墩臺、增脩闌馬哨墻、差人架炮哨瞭、平漫去處、盡行斬削、挑掘深溝、險峻人馬俱不能通、遂使遠近居民及諸士卒皆賴以安、本年八月內各官又因見本關城內窄狹、不能多積糧草、駐劄大兵於城

奏議

卷之八

一

西原舊有大木廠一處被賊燒毀不存地勢雖
低丈量圍插立標杆分定功程提督臣等亦用
打取糙面大石脩創新城一所士卒樂於趨事
赴工一月之間而城已完亦用磚造城門起蓋
樓鋪墩臺等項俱皆齊備其城周圍廣濶儘可
積聚糧草駐札重兵其餘隘口俱各增脩添砌
堅固卽今達賊亦知關隘脩理堅固俱皆遠遁
臣等切見自去年以來官軍中有殺獲賊一首
級者俱蒙

奏議

卷之八

二

皇上悉加陞擢今本關脩守官孔文英顧興祖前項
晝夜用心之勞効力設法之苦所脩邊關險固
致使賊寇聞風遠去論其功蹟亦宜陞擢勉勵
將來緣係舉保官員事理具題該通政使司官
奏奉

聖旨該衙門知道欽此又該吏科叅看得本內脩築
關口乃一事之勞達賊遠遁實

天威所致今大理寺卿孔文英都督顧興祖俱任文
武重臣自合摠忠盡節却乃通同所屬寅緣保

陸空從抄出奏

請施行通抄到部查得先該守備紫荊關都督同知顧興祖大理寺卿孔文英奏稱本關把總指揮董琳性資篤實管事公勤能撫軍士要乞量加陞擢等因具題本部抄出爲照軍職論功陞授董琳別無軍功難准陞擢已將奏詞立案今董琳等又奏顧興祖孔文英晝夜勤勞所脩關隘險固賊虜聞風遠去要將各官陞擢一節臣等切聞將帥以謀勇爲本而無謀無勇者輿論所不容人臣以廉恥爲先而無廉無恥者人望所不副况造辱國之罪復懷朋比之心雖致極刑猶有餘罪切照都督同知顧興祖猥以庸才先膺侯爵受浩蕩之

奏議

卷之八

三

聖恩掌神機之兵柄不能矢心爲國惟務箕歛害軍剝衆人之膏脂營一己之私計以致羣情怨怒而士氣沮銷兵備廢弛而貪風益振及在京營謬當前鋒一敗不支六軍遂覆

上皇畱滯於虜庭賊寇進逼於畿甸下而生民荼毒

上而

陵廟震驚推原罪惡凌厲古今及照大理寺卿孔文英本以一介書生任湖廣按察使不能頓綱振紀惟務峻法嚴刑仁政全無清譽素乏爲事奏提來京遇

赦在部聽候

皇上軫國家軍務之方殷念各官任事之頗久特頒勅旨期與維新既任顧興祖以五府之官復授孔文英以棘寺之長使率領軍馬共守邊關期以洗

奏議

卷之八

四

心效勞屏蔽都邑今照紫荆關原有官軍以及一萬之上而各官在關守備將及一年之期本部爲因脩守本關久無成効節經議奏請

勅督責縱使脩理堅完亦係分內事務豈期各官敢負更生之恩互爲朋比之舉顧興祖等明知董琳係是部下別無軍功而奏要陞擢董琳等明知顧興祖孔文英係是大臣不當援引而上言稱薦且云虜寇之遁實彼脩關之功蔑視

朝廷欺罔

君上原心實出於奸謀論罪當加於極典致被吏科
叅出夤緣保陞情犯合將各官令法司差人通
取赴京究問明白奏請發落仍乞

聖裁另行差官前去更替庶公道昭明人臣知懼緣

顧興祖董琳等俱係軍職孔文英係京官及奉

欽依該衙門知道事理具題景泰元年十月二十八

日奉

聖旨各官互相舉保乃人情而已非爲重事都不問

恁部裏行文書去與他門知道著用心整飭邊

奏議

卷之八

五

務有功時陞賞朝廷不吝欽此

兵部爲病故官員事景泰元年十一月十二日

禮科抄出雲南都司等衙門署都指揮使事都

指揮僉事胡誌等題有總兵官黔國公沐斌先

於正統十四年九月初二日忽患風濕手足緩

弱節次請醫調治稍痊一向扶病管事景泰元

年九月十九日又加嘔吐咳嗽病症至二十八

日轉加痰疾喘急醫治不痊至本年十一月初

五日身故緣係總兵鎮守官員具題該禮部官

欽奉

聖旨該衙門知道欽此欽遵抄出到部除另行外照得雲南地方多係土官衙門自

國初以來皆係黔國公父子相繼世守其地號令素行蠻夷信服今沐斌旣已病故一旦改委他人代總兵政切恐衆心不服難於統理况隴川等處賊子遺孽未曾殄除而附近貴州俱有盜賊生發必須主將得人然後地方安妥訪得沐斌應襲之子尚幼其姪沐璘見任雲南都司署

奏議

卷之八

六

都指揮僉事威望雖未素著實乃沐氏宗枝夷人頗知其名遠近亦皆屬望若是權宜陞用事體實爲允當及照右都督方英見任雲南克叅將征進隴川驍勇善戰廉介不貪雲南之人素所畏服亦堪委任但本官見在貴州殺賊先因巡撫貴州右寺丞王恂保奏方英堪克總兵鎮守貴州本部爲照貴州等處已有總兵官保定伯梁琦方英見克右副總兵賊寇未曾平安難便准令鎮守已經議擬奏

准令方英仍克副總兵與梁瑤等督軍勦賊候事平
日就令方英克總兵官鎮守貴州去後今照貴
州等處賊寇尚未盡絕正用能幹將官撫捕方
英難便那動合候貴州賊平另行定奪伏望

聖恩先將沐璘量陞都督同知或都督僉事請

勅克總兵官掛征南將軍印令其鎮守雲南撫安夷
民操練軍馬禁革奸細保障地方凡百所行務
在上體

聖心遠法祖宗毋貪淫暴虐以失人心毋怠忽因循
奏議

卷之八

七

以誤邊務如遇邊境地方蠻寇生發會同叅佐
并守土官員計議停當相機撫捕不許輕易畏
縮因而失機誤事及訪得雲南都司署都指揮
使事僉事胡誌練達戎政比衆爲優合無實授
都指揮使請

勅本官克左叅將協同沐璘鎮守仍令沐璘胡誌公
同鎮守雲南內官郝寧叅贊軍務副使鄭顒及
都布按三司堂上官巡按監察御史於彼處都
指揮或指揮內推舉堪克右叅將二人開具實

蹟作急會奏以憑定奪不許徇私濫舉緣奉

欽依該衙門知道事理具題奉

聖旨是沐璘陞都督同知掛征南將軍印克總兵官
鎮守雲南胡誌陞署都督僉事克左叅將協同沐
璘鎮守撫安軍民務要事妥夷安欽此

兵部爲邊務事兵科抄出鎮守山西都察院左
副都御史羅通題准本院咨准兵部咨兵科抄
出

欽差刑部右侍郎江淵題節該欽奉

奏議

卷之八

八

勅命爾往山西鴈門關等處巡視凡彼處整理關隘
一應事務悉聽爾便宜處置欽此除欽遵外今將
便宜合行事件開坐具題奉

聖旨該衙門看欽此欽遵抄出到部逐一議擬開坐
具題本部官欽奉

聖旨是欽此欽遵將開奏事件抄咨該院煩行鎮守
山西右副都御史羅通并鎮守鴈門關右副都
御史朱鑑等俱照依本部奏奉

欽依內事理欽遵備由移咨到職臣除會同鎮守山

西署都督僉事王良鎮守鴈門關右副都御史
朱鑑守備偏頭關都督同知杜忠等巡按御史
涂謙并都布按三司官計議外今將議過事件
開坐具題本部官欽奉
聖旨該衙門看欽此欽遵抄出到部案查先該右侍
郎江淵題前事已行議奏行移勘議去後今奏
前因合行開坐謹題請

旨

計開

奏議

卷之八

九

旨一守備代州偏頭關等處各衛所州縣官軍民
快人等先因聲息緊急該鎮守鴈門關都指
揮同知翁信奏

准作長班操守不許更替卽今天時漸寒軍士離家
月久衣鞋不給受苦不堪陸續在逃十去六
七及致官府催促官軍則潛避不出民壯則
合家在逃欲悉照例究治恐有激變別生他
未故欲姑息不問則往往做做愈肆奸頑以致
邊關空虚失守誤事未便卽今聲息寧息合

無將前項軍壯分作兩班每班半年一替其
替回者仍於原衛州縣操備就令置辦衣鞋
軍器聽候班次行取則人皆知有更替一定
之期必能固守不致逃竄而衣鞋軍器且得
鮮明堅利該兵部議得先該右副都御史朱
鑑奏要將原召并續召軍民壯勇分作兩班
半年一換等因行該署都督僉事王良等會
同都布按三司并巡按御史回奏勘得前項
民壯一萬九千四百八十二名內在逃未到

奏議

卷之八

十

數多見在者各守一隅分撥已定今朱鑑奏
要半年一換雖是民情可便緣人數不勾事
有窒礙合照舊操備仍乞優免各人雜差等
因已經議擬奏

准馬隊者每戶免其二丁步隊者免其一丁差役供
給軍壯去後今奏前因合無再行鎮守山西
右副都御史羅通署都督僉事王良并巡按
御史三司等官公同勘議應否輪班操備惟
復止是照舊其於人情事體何者相應利便

何者窒礙難行臣等議得先前聲息緊急民壯數少不可分班今邊境已寧合依侍郎江淵所言分作兩班互相更替如此則人不在逃得其實用而衣鞋盔甲器械亦得鮮明鋒

利

前件查得近該鎮守鴈門關都指揮同知翁信

奏稱義勇未曾到官數多其到者又各在逃要行催勾點齊存留山西有糧去處操備等因本部爲照山西聲息頗靖邊儲不敷田禾

奏議

卷之八

十一

少收人民艱難已經奏

准行移左副都御史羅通等通將前項義勇著落所司拘齊就存各府州縣兼同本處官軍人等操守去後今羅通等又奏議要分作兩班操備難便定奪合無再行羅通王良朱鑑翁信從長計議如果應該分作兩班就便照依擬奏事理分班依期赴操若是各就本處操備便益空從本處操守聽調務在處置得空人

無失所

一偏頭關見有操備官軍九千餘員名欲要屏障河曲保德等州縣及太原左等衛屯堡今賊往來不經本關却從應朔等州直入靜樂寧化保德境內殺掠軍民窺伺太原平陽其偏頭關僻在境外雖擁重兵無從策應看得鎮西衛當三岔衝要之處有路直抵平陽等府若不早爲隄備深爲未便合無將偏頭關原有官軍止畱二千在彼哨守其餘盡撥鎮西等衛分守要害則糧運近便控制有方而

奏議

卷之八

十二

平陽等處可保無虞該兵部議得偏頭關官軍係比先撥定之數若便一槩那動恐黃河結凍之時達賊過河侵擾合無行移山西左副都御史羅通署都督僉事王良公同都督同知杜忠左叅議葉清從長計議本處地方應否止用官軍二千員各守備相度本關與鎮西衛地形險易賊情緩急或可照依侍郎江淵所奏施行或將鎮西一衛調去偏頭關官軍發回或依舊不動三策之中孰爲可行

孰爲難行務在彼此兩無妨誤明白折衷臣
會同王良杜忠葉清計議得鎮西衛至偏頭
關二百八十里內有岢嵐州保德州河曲縣
三處人民及太原左右前三衛鎮西衛共四
衛屯田之所俱在偏頭關之內鎮西衛之外
其鎮西衛三岔路口有八柳樹堡子舊城一
座見有太原右衛屯軍在內居住路當衝要
一路通朔州一路通偏頭關一路通鎮西衛
乃阨喉之處合將此堡作哨馬營撥偏頭關

奏議

卷之八

十三

官軍二千員名駐劄哨守仍屬都督杜忠提
調遇警則屯軍可以守城馬軍可以出戰朔
州偏頭關鎮西衛三處出軍策應皆可一日
而到如此則賊無入寇之路而保德岢嵐河
曲與太原等四衛屯所可保無虞而平陽之
路賊不敢窺矣其偏頭關仍舊不動

前件既已各官會勘得八柳樹堡路當衝要合
准所擬行移王良羅通杜忠等將本堡脩設
堅完照數差撥官軍二千員名差委敢勇頭

目管領前去屯駐聽杜忠提調遇警則相機
守戰無事則趁時耕牧務在有備無患

兵部爲邊務事兵科抄出提督獨石馬營等處
操守後軍都督府都督僉事董斌題近該兵部
議擬奏

准令臣提督獨石馬營雲州鵬鶚赤城龍門李家莊
長安嶺等處邊城脩理墩臺防護糧儲等項切
照前項城池委係外控虜境內庇宣府懷來永
寧一帶若獨石馬營等處城守嚴固則腹裏衛

奏議

卷之八

十四

所自然無虞比先年間獨石馬營等城俱係脩
理堅完樓櫓壯固倉儲廣積器用全備又有精
壯官軍帶有家小分投守備遇有緊急易爲措
置近因達寇犯邊將各城捐棄不守以此賊無
忌憚往往在於長安嶺一帶出沒搶掠人畜而
獨石馬營等處城池樓櫓房屋倉庫多有被賊
燒毀殘壞其各該城堡官軍雖已起那腹裏又
多凋耗十無四三邇者天威遠加醜虜向化

皇上制治保邦畱意邊備將前項城池重復整飭脩

設此誠安邊禦侮長策但臣智慮淺疎弗稱任
使竊以爲今日之事邊備爲先况前項城堡殘
壞士馬消耗若不惟新令圖將何以慎固封守
今將合行邊備事件開坐伏乞

聖斷早爲施行邊方幸甚具題該本部官欽奉

聖旨兵部看了來說欽此欽遵抄出到部今將本官
所奏事件逐一詳看議擬開坐具題景泰元年
十一月二十六日奉

聖旨是欽此

奏議

卷之八

十五

計開

一照得守備懷來永寧等處都指揮楊信等俱
有奉到

勅書行事今臣提督地方比之永寧尤爲切要若不
綸音渙頒下人無所畏懼倘有警急調遣一時不肯
聽從不無悞事乞

賜臣

勅便益

前件照得都督僉事董斌旣已

欽命提督獨石馬營雲州鵬鶚赤城龍門李家庄長嶺等處脩理城池防護糧儲等項係于重務

合無准奏請

勅本官令將一應邊備用心整飭務求實效毋事虛文果有安邊禦侮長策宜從區畫事體重者具奏施行不許假公營私苦害邊軍及因循日月致誤重務

一獨石馬營赤城鵬鶚李家庄龍門等衛所官軍除昌平侯楊洪帶領赴京三千員名近蒙

奏議

卷之八

十六

兵部奏

准發回原衛所令臣率領提督其餘未曾赴京之數中間雖有強弱不一然有在懷來永寧暫且安插者有在宣府等城差使操備者今要將前項城堡脩復若不將各城原有官軍人等盡數令臣管束委係孤懸城池憑何守戰又况各官軍畏懼原處守備往往希求腹裏衛所居住苟且度日乞

勅兵部計議合無將口外衛所官軍但係獨石龍門

李家庄等處城堡官軍原先暫且安插腹裏
衛所并舊日跟官隨操等項不分老少男婦
務要一名名令臣鈐束點關或就令回還原
衛所或候明年春暖回還原處守禦隨住以
實虛懸之城不許各該守備等項官員占恡
便益

前件合准所奏行移該府轉行宣府總兵等官
撫寧伯朱謙等將獨石龍門李家庄雲州鵬
鶚赤城等處但係安插宣府永寧懷來及各

奏議

卷之八

十七

該衛所城堡住坐并舊日跟官隨操等項不
必分老幼男婦著落經該官旗逐一點齊俱
令董斌鈐束其間有願去原衛所赴薪米糧
養贍者聽從其便若自不願前去候明年春
暖盡數督發回還不許各該守備官員占恡
及托故縱放來京縣住有誤邊備仍令董斌
加意撫恤以濟邊務不許生事虐害致令失
所

一照得獨石馬營等城遠在宣府之北臣若率

領軍馬到彼往來提督脩守遇有警急事情
必須差人奏報緣無起馬

臣

符驗庶得便於奏報

前件合准所奏關給達字號雙馬

符驗一道就令原差奏事百戶鹿鏞齋與董斌收用
一照得獨石馬營等處城池委係孤懸境外臣
今提督脩守敢不罄竭衷誠但以謀貴先定
兵貴有制若不提綱挈領非惟人無統屬抑
且推調悞事乞

奏議

卷之八

十八

勅兵部計議合無將萬全都司多餘都指揮數內摘
差老成能幹者數員分投獨石馬營李家庄
鵬鶚龍門等城著令專一守備操練官軍不
許輕動臣往來提督巡視遇有警急事情並
聽臣調遣庶不臨期悞事

前件合准所言行移宣府總兵官撫寧伯朱謙
公同鎮守叅將叅贊巡撫等官內官栢玉右

都督紀廣侍郎劉璉僉都御史任寧及都督
僉事董斌等從長計議獨石馬營赤城李家
庄鵬鶚龍門雲州長安嶺等處合用都指揮
幾員就於萬全都司都指揮內推選有謀有
勇之人分守前項城堡嚴督所在官軍人等
專一隄備遇有警急俱聽董斌節制調遣不
許退縮不卽前去及擅離信地營求別差其
總兵等官亦不許徇私偏向將精壯官員占
畱却將怯懦之人克數致誤邊務事發一體
治罪仍令朱謙等將選委過都指揮職名作
急開奏

奏議

卷之八

十九

兵部爲陳言備邊事兵科抄出本科給事中黃
仕儻題切見中國土地雖是無窮而其財賦所
出亦自有限原其所由天惟生此以供

朝廷及百官俸祿之需初非期有夷狄勞費之耗
是夷狄本供費所不載而百姓實國家所宐恤
以培植邦本爲供應之具而已今者賊虜乞和
謫詐莫測必以還我

上皇則兵備不約而解珎物不求而得府庫不劫而虛民力不用而弊國稅不攻而靡觀

上皇歸時虜使未起而運糧之卒卽各遣歸各邊見其散軍而戒嚴之意不無十緩三四非墮緩兵之計歟見其和成兵緩大起無厭之求今日求某物與之明日求某物亦與之今年遣使增數百明年遣使增數千及其久也多而無數使輶往來絡繹不絕又其久也求之旣屢待之必厭欲不應之恐自壞和好其短在我以召禍釁欲

奏議

卷之八

二十

曲意應之誠以府庫之財有限民之膏脂枯竭又恐乘我不虞以啟一旦襲虛之患至於不可磨滅訪得去歲也先大同敵殺之際其伯顏帖木兒親與總兵官石亨打話言累年我使來貢求金銀銅錢等器織金蟒龍等衣寶石珍珠等物俱不見與是以興兵遠來蓋求物不得遂致入寇則將少有厭忽之心必致入寇可知臣詢侍郎趙榮等言脫脫不花固不見有南侵之意至於也先奸雄黠狡則有莫測之機觀其卽今

遣使至於數千拆墻強入略無忌憚皆恃去歲
土木之利逼城之敵氣驕志滿縱橫自如蓋以
興兵南來狃於多勝未遭我軍敵殺之苦痛挫
狼戾之氣順之則和拂之則寇况西北諸夷今
已蟻附而今所求器物又皆帝王之具陰謀不
軌意已明甚豈可信其必和以爲乂安長治之
計哉伏望

聖上念祖宗創業艱難今日守成不易勞心焦思競
業圖理毋以土木而寒其心毋以逼城而危其

奏議

卷之八

二十一

意推原所由皆因權奸所誤非區區醜虜之力
乃能至此然好生惡殺貴人賤畜天之心也人
之願也今彼掠我軍民不啻草芥糞土無分貴
賤牧馬敝羊餓歿不知其數因而遭虐疾病者
亦不知其數是乖天之心也拂人之性也故曰
天作孽猶可違自作孽不可逭今彼殘虐天民
自作其孽莫此爲甚是自干天誅天又將假手
於我

陛下以殄滅之昔我

太祖高皇帝奉天之罰師至應昌
太宗文皇帝肅將天威掃盡沙漠皆不聞彼以狹悍

而能禦我今

皇上上帝以中興之運付之

陛下正猶

天命

太祖

太宗之時也况天之所助者順人之所助者信

陛下惟能脩德勤政順天信人則天自順乎我人自

奏議

卷之八

三十一

信乎我彼雖狹悍豈不足以削平以享無疆太

平之治且和可暫而不可久利於虜而不利於

我也昔有商之世鬼方跋扈而高宗討之有周

之時玁狁作慝而宣王逐之使鬼方玁狁可和

而利於我則高宗宣王必先與之和而不煩士

馬之勞矣因其謫詐無定和不可恃故直舉兵

討之以寧華夏延祚數百年二君至今稱爲中

興令主但卽日以時觀之虜勢猶張我師尚弱

姑豺狼以飼之犬馬以畜之佯存和好以養銳

蓄威待時雪恥然

九重深邃下情難達邊事內攻幽遠莫知

萬機之暇乞

御文華殿或進內閣儒臣或召元老碩輔少降

天顏從容諮訪或令口陳或具題帖

陛下從而采擇可否次第施行如京師天下根本軍

馬幾何士卒操法精緻者何營則必賞其頭目
庶怠惰者自知警懼將臣素著謀勇者幾人

陛下從而親書其姓名倉卒調用庶不失人某有將

奏議

卷之八

三

才淹在卒伍之下者拔之某事陪剋隳我士卒
之心者罪之京軍貴多欲備調用今而數少設
何法以增之軍士日練本期克敵今而多怯行
何計以銳之猾虜分外之求難事之請從何長
以處之西北諸夷聞風降附施何間以孤之威
敵必先以其所畏宣府大同迤西一帶京師緊
關屏蔽急要驍勇謀將今朱謙謀勇不及楊洪
而紀廣慈柔郭登雖曰謀勇且久患風疾而裨
將無聞今虜人所畏惟楊洪石亨父子然二人

已總重兵在京固難輕動而楊俊石彪俱驍勇
有謀合令協副朱謙郭登雖曰謀勇趁時設備
庶免臨時掣肘他如各邊某無謀略徒擁將名
久妨邊務卽別選能者以代之書云去邪勿疑
是矣某懷智略久被忌抑一籌莫展卽特命以
伸之書曰任賢勿貳是矣某處將臣不智必致
相激非國之福也

陛下卽以所記將臣領其事俾不智者知所畏憚矣
某處兵寡而將勇爲可托某處兵衆而將怯之

奏議

卷之八

二十四

可憂某處衛堡不堪策應某處堪宜益兵添將
相兼守把某處將帥頭目剝削士卒相繼逃竄
邊關空虛匿不以聞某處堪宜經理屯田未及
議奏處置某處宜廣蓄軍餉節被管糧官員措
置顛倒糧儲有名無實某處武職貪酷宜行體實
忠可褒獎以勵廉污某處文職貪酷宜行體實
効去以安士卒又如各邊年久文武官員貓鼠
一家軍士疲憊今後合每年宜遣諸曉邊務大
臣數人分行稽其弊端以憑賞罰如此一一諮

訪而處置之則邊事無一而不舉矣至於都司方面風憲守令等官向也廉今也貪而殃民某官雖曰能事其實暴不堪命某官雖曰忠厚其實能軟無益民事某官老邁不能舉事而乃貪得不去某官掎斂以阿上官見畱某官忠鯁以直事人見黜某官聽政超異堪宜褒勸某官才堪大用久滯下僚凡軍民有無利病四方有無休戚及今後亦合每年分遣廉明大臣詢察以憑黜陟如此一一采擇而舉行之則內政亦無

奏議

卷之八

二十五

一不脩矣邊事內政既皆脩舉則將士勇奮堅如泰山民之供餉如子趨父昔宋用孟宗政金人不敢窺襄漢中國相司馬遼人不敢犯北邊今我之精擇賢能養銳蓄威如此至若狡虜敢肆無厭之求仍遣無數之使必發

勅也先喻以禍福令各守分雖古者遣使彼此不過正副從者不過數人今後遣使不過百人以通和好倘過其數則其短在彼因而責之庶或守分不敢違約使若侵犯邊境則必縱我銳兵奮

其勇武大舉勦殺痛挫鋒銳彼勢力自散計算
自迷將奔遁無門退保無暇正如

太祖

太宗應昌沙漠之舉也安敢窺我中原擾我疆場以
犯我士馬哉由是戒飭邊關無通虜使中國自
中國夷狄自夷狄不惟莫測我之虛實以息釁
端且亦得免夷狄之耗以固我邦本則將來太
平景祚延至無窮又自

陛下開之而其中興功業之隆直與高宗宣王同一
奏議

卷之八

二十六

垂休無疆矣倘不此之圖

陛下惟廣

天地之量應無厭之欲臣恐彼以多事之請固不能
一一遂欲不遂其欲必致交兵惟恐邊力不支
又或有如前日毀關逼城之患而我京軍止足
以自護而不能策應邊關逼城止足以自守而
不敢掣援京師甚至被阨所援而進退無路又
或舉我南北要區坐困我師雖有勤王義兵莫
由內應又恐他盜亦聞風而起其郡縣軍衛亦

被牽制不敢北望事至如此思欲走檄多方招募民兵則又有兵無將京師急欲調用則又有將無兵况民兵素不識戎募之雖多亦奚以爲昔宋賊劉豫大募民兵七十萬南侵至廬州等處一鼓敗之北走原其所以皆由閑暇之時失於豫圖方略早建事機故也書曰惟事事有備無患傳曰凡事豫則立不豫則廢又曰雖有智慧不如乘勢惟願

陛下乘此暇時汲汲畱意焉

奏議

卷之八

二十七

宗社幸甚天下幸甚具題本官於

奉天門奉

聖旨朕覽其所說都是憂國保民之心戶部兵部會官詳看可行可止卽便議擬停當來聞欽此欽遵會官看得奏稱賊虜也先等狃於多勝未遭我軍敵殺今已蟻附所求器物皆帝王之具陰謀不軌意已甚明要發

勅也先喻以禍福令各守分今後遣使不許過百若違約侵犯邊境則必縱我銳兵大舉勦殺一節

臣等切詳也先自其父脫歡以來世受

朝廷厚恩一旦豺狼改慮侵犯邊境進逼京畿震

驚

陵廟其爲仇恨何可勝言也先自知罪惡稔盈人
怨神怒及知我中國有備遣人納款和好如故
皇上軫念蒼生俯徇其情節次差來之人

朝廷倍加賞勞邇者也先又遣昂剋等二千六百
餘人到京進馬

皇上天日之明豈不知虜情譎詐所遣數多一則費
奏議

卷之八

三六

我財用一則探我虛實但以彼既進貢而來亦
難拒而不納以此待遇之禮不廢而防範之法
亦未嘗不慎今昂剋等已還合無候也先再遣
使到京請

勅命其齋回曉諭也先自爾等革心悔過敬順
天道節遣使臣

朝廷俱待以殊禮茲者昂剋等若干人到京委實
太多又况口外宣府懷來等處先因爾等侵擾
所在人力艱難自今已後爾等當體念我

祖宗待爾之厚誠爲和好保全始終所遣使人多不可過百十人

朝廷敷大信於天下必不踰盟致有怠慢候也先仍前差遣人衆臣等另行議奏處置其奏要

萬機之暇乞

御文華殿進內閣儒臣或元老碩輔從容諮訪或令口陳或具題帖

陛下采擇可否次第施行一節查得近該南京工科

給事中張雲翰奏前事該禮部議擬覆奏節該

奏議

卷之八

二十九

奉

聖旨今後各衙門如有軍國重務得失的事面奏施行欽此欽遵已有前項奏奉

欽依事理別有定奪其奏要令楊俊石彪協副朱謙郭登一節照得宣府見有總兵官撫寧伯朱謙叅將左都督紀廣又有都督僉事董斌提督獨石龍門等江福守備萬全右衛等處都指揮楊信守備懷來等處大同見有總兵官定襄伯郭

登叅將都指揮潘興及都督方善分守東路許

貴分守西路及照今年自春初以來虜寇不時
攻圍各該邊城所在鎮守等官俱能竭力防守
或出兵對敵况楊俊先克宣府叅將伊父昌平
侯楊洪奏伊年幼無知富貴已極性資粗率語
言輕躁非惟長惡不悛必誤邊方大事乞取赴
京隨操等因已蒙

欽准將楊俊取回石彪克游擊將軍帶領官兵往山
西巡哨回京未久若將各官再行分差宣府大
同非惟官多人少下情不堪尤恐節制不一人

奏議

卷之八

三十一

難遵守已後若緊急用人另行定奪其奏各邊
某無謀略徒擁將名某懷智略又被忌抑某處
兵寡將勇可托某處兵衆將怯可憂等項緣無
指實合無行移宣府大同遼東陝西等處巡撫
鎮守都御史侍郎及巡按監察御史令將彼處
守臣勇怯兵備虛實城堡道路險夷糧餉器械
多寡等項一應邊務逐一用心體察諮訪何人
可存何人可去何者可以脩復何者可以用工
無廢何處險要合當增兵守備何處偏僻不當

多用軍馬何法可以實邊何方可以禦寇務要
體覆詳審處置允當上副
朝廷下合輿論明白奏

請以憑裁決其奏都司方面風憲守令等官某官貪
而殃民某官罷軟老邁某官忠鯁以直見黜某
官德政超異等項合每年遣廉明大臣詢察一
節查得各都司方面守令等官節有欽奉

詔勅行令各處巡撫風憲等官從實體察賢否奏

請黜陟合再申明通行各處巡撫官巡按御史查照

奏議

卷之八

三十一

先節奉

詔書事例務要巡行所管地方將軍衛有司官員從

公體察賢否具實奏

聞以憑定奪不許因循怠忽徇情作弊以致妨政害
人不便具題景泰元年十二月初六日奉

聖旨是欽此

兵部爲擒獲達賊事

內府抄出鎮守大同右少監馬慶題該左叅將右
都督方善手本據高山衛哨備指揮李英呈該

守土山兒墩百戶蕭勝報本年十二月十九日
午時分軍人趙蘆斗瞭見境外有步行人腰帶
弓箭前來隨令夜不收呂小良等二名下墩潛
入攔馬牆內因見向墩射箭認是達賊其呂小
良等奮勇向前擒獲連人解到審係奄克帖木
兒也先部下有也先差賽因帖木兒等將領人
馬二百餘騎在邊哨探接取進貢使臣因我省
得漢語差來打聽聲息就被捉住等因行移知
會會同總兵官定襄伯郭登巡按直隸監察御
史鄭韶等計議得達賊出沒不肯轉離鞍馬今
奄克帖木兒步行到墩又止一人旣稱打聽進
貢使臣其守墩官軍只合溫言撫接却乃掩襲
搶拏非惟有失

朝廷大信抑且引惹事端又恐來降及走回人口
小人邀功駕禍無辜如蒙

准題乞

勅該部通行禁約沿邊官軍惟當謹守信地嚴加瞭
望不許貪圖小利妄生邊釁等因具題該本部

奏議

卷之八

三十一

官欽奉

聖旨兵部知道欽此又該總兵官定襄伯郭登等亦題前事通抄到部臣等切惟中國之馭夷狄固當振之以兵威尤當撫之以

恩信所以拆其強而結其心也今也先節次遣人朝貢其譎詐之謀雖未可知而和好之禮則未嘗有失今以使臣未回遣人探聽迎接其奄克帖木兒旣不騎坐又不潛入邊城明說探接使臣別無奸細情節而守墩官軍就將本人搶拏只貪一時之近功不顧

奏議

卷之八

三十三

朝廷之大體而都督方善又不斟酌事情輒便輕信起解今訪得奄克帖木兒見行監問切以爲此特一俘虜爾殺之不足爲武而或有以爲釁舍之不以爲怯而或有益於事如蒙

聖恩乞

勅法司再行研審委的止是探聽使臣消息別無其餘重情請

勅令該府差人連奄克帖木兒齎送前去大同總兵

官定襄伯郭登等處收領撫令聽候邊上如有
也先差來之人就彼交與領回仍諭也先以

朝廷忠厚撫待之意使知感激本部仍行都督方
善并各邊總兵鎮守等官今後各要整搦軍馬
固守地方果有賊寇侵犯相機勦殺若虜中遣
人來邊打話止是一二人三五人別無奸細情
由及遠探隨後再無跟隨掩襲人馬就便撫令
回還不許貪圖小利邀功生事以啟邊釁以貽
後患亦不許指此爲由縱賊入境剽掠以誤邊

奏議

卷之八

三十四

務緣係請

勅及奉

欽依兵部知道事理具題景泰二年正月初三日奉
聖旨是欽此

兵部爲怠廢軍政事該刑科等衙門劾奏都督
同知衛頴等交通飲酒奸宿樂婦怠廢軍政等
情欽蒙

聖恩寬宥弗加罪責此誠

天地生物之仁然臣等切惟衛頴等俱以凡才叨膺

重任擢居都府分掌兵戎不能宣力而竭忠乃敢縱欲而敗度况終日飲酒爲樂又復用錢買奸若非剝削害軍此物從何而得卽日虜人雖已請和而邊報未甚寧息舊恥未雪當人臣臥薪嘗膽之時大舉未圖宐將帥捐軀致命之日而衛頴等所爲若此上辜

朝廷之恩下失軍士之望惟騁一己之嗜欲豈恤衆情之艱難曩者土木之潰大事幾危正由爲將帥者平日貪淫敗度受財賣軍互相交通夤

奏議

卷之八

三十五

緣黨比戰鬪之事不習兵戎之政不脩將帥互爲仇讐上下自相矛盾以致臨敵無功望風瓦解前日之覆輒未久而衛頴等又復效尤廉恥蕩然全無忌憚比者在營軍士逃者數多動以萬計安知不爲衛頴等賣放逼迫所致杜漸防微不可不慎且賞從賤罰從貴此古今之通典而兵家之要術也今衛頴等位重任隆而貪婪無度則下人何所取法而管軍者何以爲戒所據各人罪名已蒙

聖恩寬宥而此等駟儉之才終難任牙爪之寄合無
將衛頴范廣陶瑾張義郭英穆晟俱不許管理
府衛事務及坐營領軍調往開平獨石大同一
帶操守殺賊以贖前罪庶使法令昭明而餘人
知懼恩義竝行而戎政脩舉臣等猥以駑鈍叨
掌兵戎顧惟將帥之用舍繫乎國家之安危事
有當言不敢緘默具題景泰二年二月二十日
奉

聖旨衛頴等朝廷擢用掌管兵戎不能竭忠表率下
奏議

卷之八

三十六

人却貪亂酒色罪本難恕既已饒他罪今後著改
過自新但再犯必不赦欽此

兵部爲操備省減糧儲等事兵科抄出五軍中
軍大寧都司茂山衛管操指揮同知夏正奏切
照保定真定涿州易州等處因與紫荆倒馬關
相近正係緊關去處節蒙

聖慮每處差撥官軍不等有五千員有七千五百員
名前去守備中間多係在京并通州神武中等
衛官軍其保定衛官軍尚有四百八十九員名

俱各在京操備緝知各處亦然臣切照京衛官
軍在京月支糧一石在外各處又支行糧四斗
五升在外旗軍在衛月支四斗在京又支糧五
斗有此重費糧米如蒙

准題乞

勅該部計議合無將真定保定等衛官軍查數替回
在京等衛官軍每一千名月省在外行糧四百
五十石保真等衛旗軍回還各處操備每一千
名月省在京行糧五百石其一千名內外省糧

奏議

卷之八

三七

九百五十石如此不惟糧儲減省抑且衣鞋盤
纏免致缺乏遇有逃故等項便於勾補其各關
口山徑險阨鄉道平昔諸曉進退無礙戰守兩
便調用不失實爲經久之計具題該通政使司
官奏奉

聖旨該部看欽此欽遵抄出到部叅看得保定等衛
所官軍比先年間除輪班赴京操練及守城屯
田等項其餘各照地方量撥紫荊倒馬等關脩
守近因虜寇侵犯所在官軍統領前去數少本

部節該議奏

欽命文武大臣在京各營量數選撥官軍統領前去
各城各關兼同彼處原有官軍人等操備脩理
今奏要將前項撥去官軍取回却將保定真定
并通州神武中等衛在京操練官軍發回於糧
儲雖曰頗減於事體則有窒礙蓋在京撥去各
關各城官軍其數不下十萬而各衛赴京操備
官軍每衛不過三五百或千餘人今又分作三
班輪流放回一班取討衣鞋若將保定真定等

奏議

卷之八

三八

衛原撥在京并各關各城操備官軍取回原衛
不無守備缺人遇驚無憑調遣况在京見畱官
軍俱係選作頭班預備殺賊人數決難放回及
照自去年春初以來境外節報賊寇聲息各城
守備官員往往奏要在京撥軍前去後因侍郎
江淵具奏已將保定真定右衛中所調去紫荆
真定衛中所調去倒馬關涿州中衛後所調去
白羊口其前項調去所分官軍不問在京五軍
三千等營盡數起發况在京官軍撥去邊關脩

守乃權時之宜在外官軍輪班赴京操練實經
常之道今若將前項衛分官軍發回原處則山
東河南地方亦係鞏固京師重地各都司衛所
赴京官軍俱要照依此例回還本處京師止用
在京各官軍操備是豈居重馭輕治內攘外之
道揆此事體委的難行大抵夏正所奏不過假
借省費糧儲之言以遂取回軍士之計所奏難
准合無將保定真定等衛赴京官軍照舊輪班
操練其各城各關京師撥去官軍候邊務寧息
另行議奏定奪緣奉

奏議

卷之八

三九

欽依該部看事理具題景泰二年二月二十二日奉
聖旨是欽此

兵部爲邊務事職方清吏司案呈准後軍都督
府經歷司手本奉府案令准鎮朔將軍撫寧伯
朱謙咨據金吾右衛帶俸正千戶王信呈宣德
十年自願前來宣府報効操練今奉後軍都督
府勘合各處報効操備官軍舍人餘丁卽今邊
境稍寧虛費糧賞暫且回衛入伍呈乞放回移

咨連人送府轉送到司案呈到部臣等切詳邊方者京師之藩籬軍馬者

朝廷之重事必使事體各歸職掌庶幾緩急不致誤事今照宣府大同遼東并陝西各邊俱係緊要去處正用官軍守備

朝廷慮恐本處官軍不敷往往設法添撥或召集報効之人或揀選空閑之士遇有緊急相兼守戰近有虜寇侵犯邊務愈加留意而宣府總兵等官未審因何却將自願報効操備官員擅自

奏議

卷之八

四十一

放回原衛誠恐奉有別衙門行移止知減省糧儲不顧邊務緩急因見虜寇請和將謂邊方無事遂將各邊見操官軍人等一槩踈放回家倘有賊寇聲息城池空虛憑何戰守又恐見操官軍人等意圖回還原衛串同該管官員不行經由本部援例徑自回還典守之官無由得知奸詐之人得遂私計萬一虜寇緝知官軍掣動乘間來攻貽患邊方決非細故兼且各邊屢稱見在官軍數少具奏要行增添豈可將見在邊操

守十餘年之上官員輒便放回臣等職掌兵政
若今日緘默不言則異日罪將何追况近日虜
使方回中間奸詐難測防微杜漸不可不慮除
千戶王信仍送該府轉發宣府總兵官處照舊
操練外合無通行各邊各關總兵鎮守等項內
外官員將原有見在官軍人等務要用心提督
操練非奉

勅旨及本部奏奉

欽依明文不許輒准別衙門行移擅便掣動踈放以

奏議

卷之八

四十一

致邊方缺人遇警誤事自取重罪不便仍行在
京各衙門知會緣係處置邊務事理具題景泰
二年三月十一日奉

聖旨是欽此

兵部爲糾劾事嘗謂移孝爲忠乃人臣之當務
懷奸避事在國典所不容切照左軍都督府右
都督王禎猥以庸才叨膺重寄因人成事素無
汗馬之勞荷

國寵榮遂極人臣之位不能盡忠圖報惟務狹詐

聖旨 倫安明知卽日邊務方殷正係用人之際自合捐軀以先士卒庶殫臣子之心却乃陳言要回陝西在城省視伊母周氏緣延綏亦係陝西地方本官既有孝親之心合般移就養今妻妾隨住而同享

天祿老母遺棄而不得霑恩處已若斯孝心安在及見邊方多事却欲給假省親不過假此爲名以遂懷奸之計

皇上明照萬里燭見其奸

奏議

卷之八

四十二

聖斷照然不蒙准理臣等切惟自古求忠臣者必於孝子之門今王禎平居則棄其親而弗養遇事則假其親以欺

君不孝不忠不仁不義雖

聖恩不加其誅責奈

王法莫縱於纖毫合將王禎拿送法司問罪以爲

萬世臣子之戒緣係守邊軍職具題景泰二年

四月二十九日奉

聖旨罷都察院通行文書與他知道欽此

兵部爲軍務事兵科抄出提督遼東軍務左都御史王翺題景泰二年四月日期不等節據遼東都司竝廣寧錦州義州寧遠等處備禦都指揮劉英等呈該尖山鎮北山荆條山寧遠河牛心山雙山塞兒山駱駝嶺白土廠等墩空各差軍走報瞭見境外千家峪金銀廠大黑山羊羔山筆架山刀筆山白雲山泥河兒官音山雙林兒等處各有烟火一十六處及廣寧小黑山墩又稱瞭見境外達賊三千一百并五百有餘人

奏議

卷之八

四十三

馬約離牆十里往東南東北去訖及據廣寧前屯衛備禦都指揮鄧繹等呈該石子河劫殺小旗高昇走報本年四月十一日酉時瞭見達賊三十餘騎從松栢煙墩西克內跑牆入境搶去三千營種田舍餘自己馬牛驢一十三隻官馬三疋別無搶去人口結呈到來臣等議得廣寧前屯衛地方賊人入境松山等墩守瞭官軍人等不行隨卽舉放煙火以致種田舍餘不得知覺被賊人將官私馬牛驢一十六隻搶去及巡

視地方指揮姚鑑亦不嚴謹巡視俱合取招量
情責罰照舊巡守官馬三疋著落都指揮鄧繹
何鑑同馬軍均追還官再照各該沿邊累報瞭
見沿邊人馬烟火除通行守備都督都指揮等
官整棚軍馬於緊關邊堡去處暗伏相賊衆寡
行事并督守墩官軍晝夜十分加謹用心仔細
瞭望謹防隄備外具題又該王翱題先節該欽

奉

勅爾等先行差人省諭建州等衛賊首李滿住等卽

奏議

卷之人

四十四

將節次搶去各邊人畜盡數送還親來軍前伏罪
若不肯送還人畜又不前來伏罪悉聽爾等出兵
勦殺欽此臣等欽遵親領官軍到遼陽瀋陽駐劄
當有李滿住等差指揮李官音奴等來告要通
事撫取人口隨議通曉夷語經歷佟成等齋文
分投前去建州等衛省諭李滿住等回稱各女
直都帶人口往遠處四散藏躲去了一時收拾
不起先收拾在近的人口共三百二十九名口
各差弟姪李官保奴等同女直都指揮趙友因

加等齋印信文書送來回話等因除將送出人口各發寧家生理外議得李滿住等不行親送人口前來服罪又議差指揮王武等齋文就踏看道路前去省諭候回還至日另行及差來女直都指揮趙友因加等告要赴京進貢已經准令起送具題外今該原差指揮王武等回還呈稱四月十三日到完名河等處尋見李滿住董山卜花秃念文書各人商議要來至十五日忽報脫脫不花人馬見在罕里名河等處下營相

奏議

卷之八

四十五

離一日路程各人俱自收拾家小藏躲有李滿住又說差千戶高完帖董山差親弟董陽等隨後趕來回話至今未到王武等連夜回還具呈得此臣等議得李滿住董山等又因脫脫不花人馬到彼不能前來及走回人楊伴叔郭貴成等俱說脫脫不花人馬見在海西灰扒江等處尋殺野人女直但見漢兒指引放回已是實事又該左軍都督府差人馳驛齋文據走回人聞長受說稱脫脫不花領人馬要來遼東搶掠等

因臣等議係緊急軍務誠恐備東失西已經斟酌事體輕重將所調軍馬於四月十八日領回原處操守候李滿住董山等差親弟董陽等來回報至日另行處置外具題又該鎮守遼東太監宋文毅總兵等官左都督曹義等俱題前事該本部官俱欽奉

聖旨兵部知道欽此欽遵抄出到部參照所奏前項賊人入境搶掠頭畜王翔等既已照例將巡視地方指揮姚鑑取招量情決罰均追官馬還官

奏議

卷之八

四十六

了當別無定奪係干聲息合當隄備及照建州等衛賊首李滿住等係欽奉

聖旨令其親來軍前服罪人數今稱脫脫不花人馬在彼下營各人收拾家小藏躲差人從後趕來回話等因未審各人卽今曾無見到及事體有無寧妥合無行移該府差人馳驛齎文與王翱曹義等公同宋文毅等嚴督各城守備官員用心整飭人馬晝夜嚴加隄備仍差人密切遠爲哨探果有賊寇近邊務在相機行事不許纖毫

怠忽因而有誤事機仍令王翱等選差諳曉夷情頭目前去建州等衛撫諭李滿住董山等諭以只今脫脫不花已是差遣使臣從宣府長安嶺地方入境赴京朝貢爾等當體

朝廷大恩已將爾等先前不臣之罪寬宥不問開其自新之路許以親詣軍門服罪毋得猶豫狐疑心持兩端若是脫脫不花退去卽當親出服罪輸情送還所搶人畜則待遇如故恩禮有加如若觀望延調不肯實心納款空從王翱曹義等調兵設法勦捕明白具奏務在處置得宜毋或踈虞誤事緣奉

日奉

聖旨是欽此

兵部爲關隘事

內府抄出鎮守居庸關都知監左少監潘成題節

該欽奉

勅瓦剌脫脫不花王差使臣碗鐵拆木兒太尉等九

奏議

卷之八

四十七

十一名前來進馬勅至爾等如遇前項使臣人馬到來卽便驗實照數放入款待差人送來仍嚴切戒飭守備官軍十分防備毋致踈虞欽此欽遵景泰二年五月初二日據守門直隸隆慶衛指揮胡綱呈有內官陳瑢都指揮馬政帶領百戶旗校家人白金等八員名并瓦刺差來使臣碗拆鐵木兒太尉等七十六名并被畱送回所鎮撫高能等七員名進馬二百三十四匹及自己羣馬四十七匹到關會同右僉都御史蕭啟都指揮夏忠辯驗入關照例款待就差千戶梁忠管領官軍隨同懷來衛原差指揮張聰一同護送到京及嚴戒官軍隄備外緣係內外官員并外夷使臣入關事理具題該本部官欽奉

奏議

卷之八

四八

聖旨該衙門知道欽此欽遵抄出到部審據高能等七員名係遼東三萬等衛所鎮撫總旗舍人職役內高通係三萬衛千戶高宣弟景泰元年九月間被賊搶去人數其高能等俱係景泰元年十二月內蒙遼東總兵等官左都督曹義等差

齊

勅書往海西等衛撫諭都指揮等官加哈等令其歸順

朝廷將擒去邊上人畜退出本月二十日到都指揮弗刺出寨內當有脫脫人馬來來將弗刺出等捉去問說

朝廷有使臣在此弗刺等不肯承認脫脫將弗刺出等剝去衣服用皮條網縛弗刺出方纔說出高能等在寨至被拘去將各人所齊

奏議

卷之八

四十九

勅書開看就將各人交與皮兒馬黑麻等收領令在營內說我如今替

朝廷收捕野人女直你每就眼看收了時差人送你每去脫脫領人馬自松花江起直抵腦溫江將兀者等衛一帶頭目寨子都傳箭與他著他投順中間投順了的著車輛裝去不肯投順的殺了亦有走了的寨子俱放火燒訖有考郎衛都指揮加哈成討溫衛指揮婁得的女兒都與了脫脫兒子做媳婦脫脫到白馬兒大泊子去

處將都督刺塔伯勒哥都指揮三角兀及野人頭目約有三四百人盡數都殺了脫脫身上得了浮腫病症又害腳氣乘馬不得只坐車回還畱下五千人馬在木里火落等處餒馬要去收捕建州等衛都督李滿住董山等脫脫將高能等帶到驢駒河一帶趁草住劄說到五月間要那去兀魯骨河駐劄離長安嶺只有十日高能

在彼中時早晚得皮兒馬黑麻照顧他曾說我吃的穿的都是
放你每回去你若到

朝廷時說兩下裏差使臣往來是和的好意思我每替你收了野人女直除了你的邊患後脫脫差脫失知院領一千人馬并差使臣同高能等一同來京進貢本年四月二十四日到獨石城外下營脫失人馬說道只在紅羅山一帶巡哨搜殺兀良哈三衛犯邊達子若拿住時送來

朝廷約在五月二十日前後還來獨石迎接使臣

又聽得說也先太師同阿剌知院各差人馬來搜殺兀良哈朵顏三衛達子又說脫脫不花今次收了野人女直等處大小人口約有四五萬內精壯約有二萬脫脫人馬回來馬匹多瘦弱節次搶去邊上人口多無吃的人都耍逃走又說高能等比先差去時共八人內二人是康英一人是童勝俱係安樂州達官舍人脫脫人馬到弗刺出寨時他二人走了後將高通頂作使臣名目以此高通得回又說弗刺出自寨上

奏議

卷之八

五十一

別後不見本人下落聽得說也被脫脫殺了等因據說參照各人所說前因雖是未委虛的緣脫脫不花既將各人送來而收捕野人女直之時又不侵犯遼東邊境并王翺等亦奏脫脫不花邊上但遇漢人多護送回還雖此等事情未必出於誠心然因事制宜亦當綏懷順撫合候使臣碗柝鐵木兒等回還之日請

勅脫脫不花諭以具知可汗敬順

天道尊行

朝廷之意其賞勞等件宜頗從優厚以堅其向慕

之心而皮兒馬黑麻身在虜境心慕

朝廷若彼亦有進貢馬匹其馬價等件亦宜比衆稍優以答其忠順之誠其餘別有陳情亦望

聖恩俯念從其一二虜酋懷

恩畏威不起釁端而我得以爲備以圖大舉及照前項虜人軍馬尚有五千在於木里火落等處要行收捕建州等衛此亦不可不備合無行移遼東總兵鎮守等官一體整擗軍馬嚴加隄備遇警相機行事不許纖毫怠忽仍令王翱等齎文

奏議

卷之八

五二

曉諭都督李滿住等務須遵守

朝廷法度保守地方不許私通外寇陰持兩端致有疎虞自貽後悔仍將前次搶去人口盡數送還親赴軍前服罪如或顧望遷延令王翱等發兵相機勦捕及照高能等跋涉艱險回還又行傳報虜中事情合無將各人量陞一級仍令禮部定與賞賜以酌其勞以爲方來出使外夷之

勸陞賞畢日發回遼東原衛所各還職著役隨住仍令宣府大同總兵鎮守等官一體整擗軍

馬隄備遇警隨空戰守務在計出萬全事無一
失若有踈虞責有所歸庶使虜人感

恩而畏威邊境有備而無患緣係處置邊務及奉
欽依該衙門知道事理具題景泰二年五月初六日
奉

聖旨是脫脫不花王敬順天道差人貢馬又送我的
人來皮兒馬黑麻心慕中國亦宜加賞以慰其心
還寫勅書說與脫脫不花比先差使臣去都被小
人激惱王因此壞了事如今不差人去但王差人
來我只禮款待高能等便與陞賞打發他回去欽
此

奏議

卷之一

五十三

兵部爲軍民利便事兵科抄出兵部等衙門左
侍郎等官孫原貞等題准兵部備刑部咨該臣
原貞題前事照得見獲溫處二府瑞安清田等
縣首從賊寇翁朝原等并幼小男女俱各解京
發落爲照賊犯家屬多未挨拏緣于人衆各處
一槩挨究恐人驚懼不安乞不爲常例候賊平
之日查勘隨征軍士無家小者將已獲賊屬婦

女先儘有功軍人給與爲妻幼男紀錄候長定
奪并幼女隨住未獲賊屬矜免抄提具題該通
政使司官奏奉

聖旨該衙門知道欽此欽遵抄出到部叅照先擬作
耗賊屬男子律該處斬婦女給配欽蒙

朝廷寬恤男子克軍家口隨住若再矜免無以懲
戒俱難准理又言要將賊徒婦女給配有功軍
人一節照得賊屬內有隻身婦女無男子隨住
者合無准其所言查勘原征旗軍人等曾見功
勞應該賞賚見無妻室者給配爲妻兩得其便
再照各處賊徒家屬候事平之日陸續挨解則
事無逼迫人得安寧該刑部官具題奉

聖旨是欽此欽遵轉行移咨除欽遵外臣等同

欽差鎮守浙江太監李德鎮守處州奉御阮隨議得
反寇攻城掠邑拒敵官軍殺害生靈燒毀房屋
搶虜婦女貲財累

赦不悛原其罪惡雖赤其族猶有餘辜况溫處等府
麗水清田瑞安平陽等處地方節次生擒殺歿

賊犯動以萬計今欲照戶抄其家口少者二三口多者十餘口或三四十口賊屬之衆不可勝數其間有父兄子姪或避難在外或報効在官一槩抄提若造惡渠魁家屬法固難宥其被脇爲從家屬情有可矜今班師振旅反側稍安其屬仍要陸續挨拏府縣不無督責鄉里未免驚疑賊屬逃遁山林必致復聚爲非難於撫捕未便如蒙

准題乞

奏議

卷之八

五十五

勅該部計議賊首家口照例抄提發落賊徒家口特降

聖恩矜免卽書所謂殲厥渠魁脇從罔治之意且以安疲困之民息逋逃之患會本具題本部官欽奉

聖旨該衙門知道欽此欽遵抄出到部參照奏稱要將前項賊徒家口特降

聖恩矜免一節緣浙江地方近年以來其處州等府所屬州縣節有賊寇糾集人衆殺掠人財已該

彼處鎮守等項官員欽遵

上命督領官軍宣明

朝廷恩例隨空設法撫捕賊首多已成擒地方漸

就平安正當一視同仁誕布維新之化量爲矜

恤以安反側之心所據前項賊徒多有賊首逼

脇不得已而爲非家下人口衆多若便一槩抄

提非惟牽連負累情有可矜抑恐紛擾驚疑因

而激變又恐中間見在者少逃移者多爲因畏

懼罪責終無復業之期倘復嘯聚山林安知不

奏議

卷之人

五十六

爲後患合無俯徇下情照依侍郎孫原貞等所

奏除賊首家口照例抄提其賊徒家口伏乞

聖恩原宥令其安生樂業永爲良民若再逃移生事

必誅不宥仍令孫原貞等會同太監李德并巡

按御史及都布按三司查照施行務在仰體

聖心公道行事俾賊首之家不致脫免而脇從之衆

咸與生全以副

皇上好生之仁以消地方意外之患緣奉

欽依該衙門知道事理具題景泰二年五月十二日

奉

聖旨是欽此

兵部爲備邊禦寇事兵科抄出吏部考功清吏司郎中陳亶題臣聞夷狄自古爲中國患在乎有以禦之禦之有道則可以銷其驕悍之氣而朝廷無北顧之憂苟無道以禦之則憑凌桀驁其患不可勝言矣比見瓦剌初與

朝廷通好歲時貢獻賞賜鉅萬豈期自啟釁端侵擾邊鄙頃歲以來猖獗尤甚近聞又分人馬一

奏議

卷之八

五七

枝往遼東一枝往陝西又遣人來京進馬求要使臣臣愚切計瓦剌人馬本自強盛今謀欲攻宣府大同以及京師故先遣人馬收掠遼東陝西邊境之人以益其衆且恐

朝廷知其勢分力寡乘其不備出師擊其各枝人馬仍復假設遣人進馬求要使臣以緩中國用兵之意俟其遼東陝西人馬回聚一處秋高馬肥併力內侵此其狡計也今議者皆以兵備未脩糧草未備祇欲遣使往答其意以圖延緩不

復敢言戰者殊不知彼虜求欲遣使實非畏威懷德而來蓋將東征西討而以此延緩我師矧縱遣使臣量亦不能釋其素負驕悍之氣不此之察是自失機會而墮其計中矣如蒙

准言乞

勅總督軍務總兵官量率精銳官軍數萬倍道趨遼

東或陝西邊境仍

勅遼東或陝西主將分兵刻期會於近邊去處物色

醜虜所在上賴

奏議

卷之八

五十一

祖宗之靈合兵出奇擊其一枝人馬彼進不敢敵退無所援強盛之衆將自窮蹙殄滅可待也計不出此徒因議者之言逡巡畏縮日復一日使其收掠遼東陝西二邊之人大衆復合併力內侵宣府大同一或失守京師之患又孰甚焉夫用兵雖貴持重然堂堂

天朝文武大臣效用之日久矣當

國家多難之際必有效忠奮勇之士乘時而出兵部掌軍馬戶部掌糧草職專任重亦必預爲之

計動以其時空無不可若敵臨境諉以未備則
豈持重備禦之策哉昔唐憲宗欲伐吳元濟羣
臣以其兵利卒頑皆謂不可憲宗明斷不疑命
將出師迄成平蔡之功竊觀今日之事亦頗類
此伏望

皇上斷而行之天下幸甚愚叨祿無補偶有所見不
敢不言具題本官欽奉

聖旨兵部看欽此欽遵抄出到部看得郎中陳壘奏
稱要總督總兵官量率精銳官軍數萬倍道趨

奏議

卷之八

五九

遼東或陝西邊境及令遼東陝西主將分兵剋
期會於近邊去處殄滅虜寇一節臣等切詳虜
酋也先等自正統十四年肆爲奸謀鳩集虜衆
侵犯邊境殺掠人畜其罪惡稔盈人所共憤實
宜統率大軍聲罪致討但自去年以來節次遣
使朝貢

欽命武清侯石亨克總兵官都督孫鏗范廣過興張
義克左右副總兵叅將於五軍三千神機等營
挑選精銳官軍三千聽候策應遼東等處都督

劉深另操官軍三千聽候策應遼東等處都督
石彪雷通另操官軍六千聽候策應宣府等處
并令工部尚書石璞總督宣府等處軍務遇有
警急賊情各城軍馬竝聽節制相機勦殺近該
石璞具奏彼處烽火不見邊事頗寧又况兵家
之事以直爲壯以曲爲負而制勝之策以主爲
逸以客爲勞必使計慮出於萬全然後戰守可
無踈失今也先等雖陰懷邪謀而尊事

朝廷之禮不廢雖聞聲息而侵擾邊境之事未舉

奏議

卷之八

六十一

在我當爲預備難以自開釁端又况關陝遼海
相去京師寫遠卽日天氣炎熱大雨時行若使
統領大軍出境未審賊營果在何處駐劄待我
兵至非惟輕易舉事而弗中機會抑恐虛勞士
馬而迄無成效况各邊所積糧草有限軍馬用
度無窮揆之事勢未見其可合令在京總兵等
官武清侯石亨并都督劉昇石彪等將選到團
操官軍務要申嚴號令齊備器械俾軍威壯固
士馬精強不時點閱教演以備警急調用既不

許怠惰偷安以廢紀律亦不許先爲畏縮以損軍威仍令石璞等將宣府等處軍馬用心整撈差人嚴密哨探若有賊寇犯邊必須相機行事若果賊勢衆大星馳差人奏報京師發兵前去應援勦殺并行遼東陝西大同總兵鎮守等官左都督曹義定襄伯郭登興安侯徐亨都督王禎張泰王敬都御史王翱年富陳鑑馬恭韓福宋傑等各照地方將應有軍馬務在躬親逐一挑選精壯之士雷意訓練論以大義嚴其紀律

奏議

卷之八

六十一

使將士相知上下同心候有賊寇來侵就便隨宜戰守或堅壁清野以待其弊或乘虛掩襲以挫其鋒既不許畏縮無謀縱賊搶掠亦不許輕易窮追墮賊奸計此乃保邦禦寇長策緣奉

欽依兵部看事理具題景泰二年五月十六日奉

聖旨是欽此

兵部爲糾劾事該錦衣衛指揮使劉源等題該廣西道監察御史陳叔紹等奏稱守備倒馬關

署都督僉事劉聚於

奉天門復

命照得劉聚先因賣放守關軍人及私役軍人創立寺院等情該兵部奏

准行移巡按直隸監察御史全智將這廝提問未見發落今這廝擅自來京合當拏問奉

聖旨拏了欽此欽遵見今收在直房具題奉

聖旨著兵部查他原發來看欽此欽遵抄出到部查得先該協同守備倒馬關都指揮陳友題稱臣

到於倒馬關點視得原撥守關軍人王成劉智

奏議

卷之人

六十二

張廣兒三名不到審據管隊指揮何清等說稱鎮守都督劉聚放回在京一向不曾到關守備顯是受財賣放臣看得各關隘口多有未曾脩理却有劉聚擅撥官軍千戶郭仁等五百餘人在於倒馬關西門外新剏寺院一所有此不行奉公專一營私利己等因具題抄出本部爲照劉聚不以邊務爲重將原撥守關軍人王成等賣放回京以致各關隘口多未脩理又行擅撥官軍私自蓋立寺院於法難容合行巡按直隸

監察御史將本官提問明白具本解京奏請發落若是有礙職事另行定奪如是無礙原職令嫡親兒男替職仍先請

勅陳友代替劉聚守關等因具題本部官奉

聖旨是欽此除欽遵通行外今抄前因叅照劉聚本以庸材叨居重任先在浙江等處殺賊無勇無謀失機誤事已該本部等衙門節該劾奏欽蒙恩宥降做爲事官績蒙

上恩令署都督僉事守備倒馬關本官自合洗心改

奏議

卷之八

六十三

過加意脩守以贖前罪以答

皇上之恩却乃怠廢邊務肆無忌憚旣將守關官軍賣放回京又行擅撥官軍私造寺院以致下人失所邊務廢弛致被陳友奏發本部又經奏奉欽依令巡按御史提問豈期本官益肆桀驁蔑視國法公然不服行提却乃赴京復

命似此冥頑無狀方命辜恩若不嚴加懲治無以警戒衆人合將本官命法司照依本部原先叅奏并今次不服提解緣由問擬明白奏

請發落庶使法令昭明奸頑知懼緣奉

欽依著兵部查他原發來看事理具題景泰二年五

月二十七日奉

聖旨這廝奸頑著三法司門前問欽此

兵部爲乞

恩憐憫事兵科抄出山東都司濟南等衛所指揮僉
事王震等奏臣等俱在五軍右哨操備景泰元
年月日不等有萊州等衛馬步軍人王受兒等
私自逃回原籍取討衣鞋已經具數造冊轉送

奏議

卷之人

六十四

挨拏去訖後於景泰二年二月內遇蒙

恩宥其王受兒等照例具狀首出收操轉達住提致
蒙兵部叅照違例擅收在逃軍人王受兒等把
總管隊官員提送本部轉送法司問罪兵部奏
奉

欽依是欽此欽遵備由劄付到哨將臣等查提送問

臣等俱係軍職愚昧多不識字比因操事繁冗

失於仔細查理自合省令各軍赴通政使司首

告轉達送發不合擅自收操合當有罪况臣等

八十二員本哨見選管領頭撥官軍六千員名
在團營六萬數內操練聽調人員及青州左等
衛指揮僉事劉安等三十員名該班領軍回衛
取討衣鞋人數今將臣等送問不無遺下隊伍
旗軍無人鈐束又慮團操旗軍因見放班中間
聖旨恐有不知利害之人一槩逃竄倘遇調用有誤
事機未便臣等在京操備二年之上衣鞋破碎
實爲困苦艱難如蒙伏望

聖恩憐憫乞將臣等并坐營把總等官都指揮同知

奏議

卷之八

六十五

母瑛等暫且團營管操德用候取討衣鞋官員
赴操之日仍前受罪便益臣等

天顏不勝感戴之至具本該通政使司官奏奉

聖旨罷兵部知道欽此欽遵抄出到部查得先該後

軍都督府經歷司手本該准都督同知衛楨備
署都督僉事劉鑑咨據五軍右哨都指揮趙輔
等呈據萊州等衛軍人王受兒等狀首景泰元
年月日不等私自逃回原衛首乞收操等因到
哨呈乞住提等因到部爲照王受兒等俱係赴

京操練之數不思補報公然在逃該營已經具數行移本部通提去後未審各軍因何不經通政使司照例具告送部轉發却乃徑自赴營亦未知卽今有無見在顯是把總管隊官員互相欺蔽朦朧擅專恐有買囑情弊合將各官并在逃軍人王受兒等通行提送法司問罪不許總兵把總等官徇情作弊等因具題奉

聖旨是欽此除欽遵外續該都指揮趙輔等奏稱要暫候輪班回還取討衣鞋來京問罪等因本部

奏議

卷之八

六十六

又照各官奏

准提問人犯難准推奸又經駁仰提解去後今抄前因除指揮等官王震等已蒙

恩宥別無定奪外叅照都指揮等官趙輔等俱係坐營官員一應事務俱係各官主張比先循情作弊欺公玩法將在逃軍人王受兒等聽囑違例擅收在營不曾問罪卽今各軍亦未審有無因被本部奏發提問懼怕法司問出真情一向不服提解今又自不出名左使指揮王震等連名

陳奏意在乘機脫免以遂奸計似此舞文欺罔阻壞軍法難以容恕及照先次放班回還官員指揮夏正先因帶領軍士不到挨解軍數不完本部奏奉

聖旨提問延今日久其坐營都督衛頤等公然不行提解亦欲做做趙輔等左使下人捏詞妄奏脫免况國家重務莫先於兵人之生歿實繫乎將必使將帥竭忠盡誠然後軍士輸心効力先前土木之敗皆因平昔將帥之奸欺威令之不立

奏議

卷之八

六十七

責放軍人者以爲尋常廢軍政者恬不加意以致虜寇得計我師挫衄今放班回還將帶去官軍不肯回京該補官軍又不足數及致叅奏拏問又復方命故違萬一做做成風則一次放班一次軍少積弊既久又復如前非惟緩急之際有誤調用抑且軍政不立壞事非輕及二次放班回還官員亦有欠少軍數多者因見前班誤事官員不服提問亦皆互相效尤全不整理其帶去并該補軍士爲見團營操練以備出哨

俱各畏懼征操通同回班官員躲避不出其把
總都督等官竝不比併追究亦不叅奏查明止
是調弄虛文苟延度日平居如此遇警可知臣
等猥以非才叨典兵政竊惟今日之事正當申
明軍令期收方來之效豈可因循苟且仍蹈前
日之轍今趙輔等不改前非仍復作弊若不提
問懲治無以警戒衆人除指揮等官王震等若
干員照依

欽依事理住提外其坐營官不過三四員必須通提

奏議

卷之八

六十八

問罪以懲一戒百合將坐營都指揮趙輔等并
各都司衛所放班赴京違限及挨究官軍不完
官員行移該府轉行該營令總兵把總等官逐
一查究送部轉送法司問罪及將第二次放班
各軍官員一體叅奏拏問如不欠軍者不許一
槩朦朧奏提如若仍前懷奸展轉日久不卽提
解通同捏詞妄奏將該管總兵等官一體叅奏
拏問不許奸詐小人市恩一已歸怨他人以誤
大計庶使奸頑知懼法令昭明兵備不致廢弛

緩急不致誤事便益緣節該奉

欽依兵部知道事理具題景泰二年五月二十八日

奉

聖旨是趙輔送刑部問欽此

兵部爲防患事切照福建浙江湖廣貴州廣東等處地方近年以來爲因旱澇相仍民多艱窘有司不才官吏不能盡心撫綏却乃生事逼迫以致盜賊竊發善良被害上干

宸慮勞師遠征天心助順將士効力所在寇盜以次

奏議

卷之人

六十九

削平各處地方漸就寧謐此誠

國家萬萬年太平之慶臣等切惟大易有思患預防之言虞書著儆戒無虞之訓是以古之聖帝明王制治保邦之心未必不先事而慮今

朝廷凡一應軍需財用糧餉物料大率取辦江南軍民僭運供給當此賊寇頗寧人心甫定之際

所宜維新

命令以防患於未萌看得湖廣貴州苗蠻多係巢居穴處其性頑曠易動難安其靖州曾定等處餘

寇未盡翦除福建浙江多係山深林密去處爲
因產有銀礦頑民往往尋踪竊取稍失防閑輒
便仇殺近雖溫州等處地方各起盜賊已曾擒
獲干連抄提人口該鎮守官侍郎孫原貞具奏
要行寬宥本部依擬覆奏

欽准免其抄提令其復業誠恐舊染未除驚疑未定
因爭小利復起釁端又兼原調殺賊軍屬多已
散回各衛各班捕盜領軍官員亦有取回原任
者萬一不逞之徒踵爲嘯聚重復議說方略征

奏議

卷之八

七十

討轉餉撫捕不免事出倉卒人愈勞困雖

皇上聖德遠被萬方決無此虞然防微杜漸不可不
慮近雖節有欽奉

詔書事例并本部行移各處鎮守等官令其隨宜招
撫叛寇慰安軍民未免循常不能聳衆合無請
給

聖旨榜文本部差官舍人等分投馳驛齎與湖廣貴
州廣東廣西福建浙江等處總督提督軍務及
鎮守等項尚書都御史侍郎等官薛希璉王來

孫原貞李棠孟鑑寇深李匡等令其各爲謄寫
有總兵官去處用總兵官印無總兵官處用所
在本布政司印於各府州縣土官衙門去處張
掛曉諭軍民番夷頭目人等爾等先前或爲不
才有司激變或爲豪右大富凌逼或土官以恃
暴橫不能撫恤或守臣不得其人搔擾或爲賊
黨哄誘或爲賊人虜掠不得已從賊爲非今賊
首多被官軍擒獲爾等有革心改過復還鄉里
者亦有陽爲順附陰持譎計者且爾等自從祖

奏議

卷之八

十一

父以來受

國家恩養將及百年祖宗墳塋父母妻子完娶保
守足以衣食爲良民久矣今一旦舍順從逆去
安就危其所以此爲官軍殺獲宜矣自今益思
保全之計輸誠順附各安其業

朝廷體

天地好生之心廣一視同仁之量前罪俱置不問共
享太平之福永無害若或陰恃譎計竄遁山
林圖爲日前之謀不顧後日之禍則命將出師

設法擒獲首從必殺無赦悔將何及爾等雖一介編氓或生蠻種然好生惡死人之常情趨吉避凶世之通論爾等不可不審死生吉凶之理其各司府州縣宣慰宣撫長官司等衙門官員自茲以往亦宜洗心滌慮奉公守法撫愛下人不許貪婪酷暴肆爲凌虐以致激變小民重貽後患如若仍前有違一體處以重罪如此庶可以安反側之心而消意外之患本部仍通行薛希璉王來孫原貞孟鑑李崇寇深李匡等令其

奏議

卷之八

七十一

公同彼處鎮守總兵等項內外官員及巡按御史都布按三司堂上官員從長計議陳設方略何處殺賊十分盡絕何處賊寇尚未平妥何處軍馬可以散回何處官軍宜暫守備何方可以絕後日之患何策可以爲經久之計備將議過防患方略逐一具由差人馳奏以憑定奪不許因循苟且虛飾繁文自貽方來之患緣係邊患事理具題景泰二年五月三十日奉

聖旨是欽此

兵部爲安邊固國強兵禦寇事兵科抄出山西太原府代州緣事爲民前布政使戈謙題臣聞兵者國之大事社稷安危民命死生之所繫故自古興師動衆必審擇將焉夫將有名有實所謂有名如李廣李陵輩卒建偉勳是也故任將之道貴用其實不貴用其名耳曩者胡虜入寇王師應之始則失律喪衆以致辱及萬乘之尊終則聽賊按轡長驅直犯都邑喋血神京震驚

奏議

卷之八

七十三

寢廟繼而縱賊肆行剽掠殘害生靈欲東卽東欲西卽西窮兇極暴如蹈無人之境我師竟無一捷少挫其鋒以報

君讎以雪國恥者正由擇而不審用之不以其實故也况賊酋也先乃實大盜向旣大得志而歸勢必復來欺侮此來人馬必衆必有覬覦中原之心亦非前日之比而我當國謀臣至今將帥不聞有智愚之別兵馬不知有簡募之方觀其塹山寨谷等項設法乃皆兵中之未務殆非所

以安邊固國強兵禦寇之要策也

朝廷若不早爲令圖一新威武止靠舊日虛名文字虛名武備玩愒日月誠恐一旦禍臨卒難收救致誤

祖宗天下蒼生性命其事非小今若得安邊固國強兵禦寇必先推選良將將得其人以守則固以攻則取以戰則克又何患外侮之憑陵我績之弗集耶

聖朝堂堂天下智謀良將應多但臣居田里莫能周

奏議

卷之八

七十四

知其所知者獨前成山侯王通龍門衛致仕指揮甯懋真定府同知阮遷干此三人者籌策宏博慣經大戰臣今指其實略陳之昔交趾黎賊有二大將名黎豸黎善其冥頑兇狠無異也先作耗年久前後所陷官軍不可勝數宣德元年推王通總兵征討初直地利不便亦大敗劔王通身中重鎗獨以一騎僅免到城并陷叅贊尚書陳洽於陣前次日賊衆圍城城中人期一灰無復生望此時出榜招募一應軍士迄得數千

之衆分爲三軍內選精銳三千王通統率教演
既熟遂出師擊賊一戰斬黎豸再戰生擒黎善
自是大戰大勝小戰小勝賊衆殺成垂盡賊徒
死者僵屍蔽野生者悉推落江江水爲之不流
兵法曰有制之兵一能當百於斯信矣厥後賊
人過江出戰止在江岸堅壁拒守遣大頭目告
云願照洪武舊制年年進貢歲歲稱臣乞總兵
官照依初克交趾舊制班師比先又見安遠侯
柳升所統援兵全軍覆沒王通遂會官議曰交
蠻負固恃險叛服不常每遇調兵動輒數萬不
應以此稍末無益之地致令根本空虛倘值中
原四方有事將何應用此地決可棄不可守各
官依允班師退出此王通所以棄地之心耳王
通誠當今忠良儒將每遇敵臨陣輒忘身家有
進死之榮無退生之辱矧累隨

太宗皇帝征進迤北嘗

太宗叮嚀教誨破胡秘計使之熟記在心以爲中國
制禦之長策前歲因臣到京建言舉保王通爲

奏議

卷之八

七十五

將本官亦將所得秘計畫成圖本奏乞

朝廷納用欲就與臣等共計勦賊時臣獲見圖本
其妙盡藏于陣勢於我兵勇者不能獨進怯者
不能獨退於彼敵無鋒不摧無堅不破真秘計
也不期秉政重臣不悅王通并臣所奏兼惡王
通爲人高傲又見議論立異不合己意遂揆乖
舛脣有同矛盾不惟不肯奏保王通且反陽薦
陰擠著令王通修守

山陵而已使

奏議

卷之八

七十六

聖上徒有求言之名而無納言之實病國病民莫此
爲甚臣嘗怪戰國文武羣臣不相協和不能遜
賢讓能妄以智詐相稱往往而致禍敗者夥矣
不料

昭代臣僚亦有此弊良可悲嘆近聞

朝廷下求禦寇安邊的確謀計誠當時之急務也

如蒙聽臣猥見選調在京精銳馬步官軍百萬

命王通甯懋阮遷干及其他所舉將帥公同統率前

去宣府大同會同總兵官郭登等各城并操備

官軍數內再選精銳馬步四萬其輜一十二萬俱作戰陣郭登等提督其餘官軍專一守城若遇機會亦聽出城討賊王通提督戰隊專一戰伐臣知王通甯懋等於軍旅有簡閱之方有訓練之法有獎勵之術行之有紀律出之有正奇號令必嚴賞罰必信緩則五月急則三月應見武備大飭軍威大振於是

國家可得倚仗農業可得耕獲糧餉可得轉輸遐邇人情亦得賴之寧帖而不搖矣一朝有警卽

奏議

卷之八

七十七

於近城水草便利地方緊要去處安下野營兼有

太宗皇帝破胡陣法遏止醜賊人馬當戰則戰當持則持使不得深入腹裏因糧藉食彼孤軍懸入食必不繼久必饑疲我乘其弊則殲殄醜類而收萬全之功必矣我算既定我武旣備彼若仍挾勢驕恣詭以進貢要我貨財初至姑可待之以禮撫之以恩曉之以尊卑示之以禍福如至再三再四要求無饜當止其進貢絕其和好或

猶不聽恃強愚弄空將差來徒黨不問衆寡盡
數斷其右臂割其耳鼻放回明報也先速來交
戰使賊一戰之頃嘗其陣味知其兵力則必震
懾遁去苟北狄一破摧挫遁去而南方一切草
寇聞知

朝廷兵威之重亦從此而自消釋不敢作亂必矣
若王通甯懋阮遷干蒙
命受任之後不能耀武揚威建立控制戡定之功
臣願當萬死之刑仰謝詎

奏議

卷之八

七十八

君之罪或曰王通領軍三月又無功其能安在夫
善爲將者不貪小利不邀近功况大將當大受
不可小知又恐敵卒殘兵不堪調用豈可遽以
此而疵之也臣於此一事其言屢獻而不止者
絕無希求進用之心特切念今日

朝野臣子有如同舟共濟中遭大風巨浪必合盡
其心竭其力庶幾渡此危險否則一至舟沒俱
爲水中之鬼此臣所以爲

國之誠耳至於邊儲充足之事除常賦稅外空做

漢文拜官入粟塞下故事臣於前歲題本內已
詳言之矣伏

皇上御覽之下

勅五府六部都察院大理寺翰林院六科給事中共
議倘將臣言不致似前棄寢採納施行則

宗社幸甚億兆幸甚具題該通政使司官奏奉

聖旨醜虜犯京師比時也任用王通不見他有謀勇
者後多官議

山陵緊要去處著他鎮守任使非輕今這廝說擠著

奏議

卷之八

七十九

去脩守又他所舉的人爲智朝廷所用的人爲愚
若要十二萬人守大同其餘邊陲得幾萬人馬備
禦兵部通看了來說欽此抄出到部除奏要拜官
入粟行移戶部另行外查得先該弋謙奏稱要
起調官軍六萬員各令都督王通等統領令伊
白身叅贊分爲三路約期會合撲擣虜營等因
該本部會官議得虜寇也先侵犯邊境逼擾京
畿上貽

九重之憂下爲萬姓之害所宜發兵勦滅以復不共

戴天之仇但以兵家之事必多算而後勝爲國之道先治內而攘外今畿甸及中原地方自寇攘以後民失農業公私匱乏京師帑藏之儲積有限官軍之費用無窮而各處邊境地方糧草俱無蓄積萬一調發人馬供餉從何而來非徒誕漫無實而難行抑恐輕易舉動而壞事及照王通先在交趾鎮守失機誤事捐棄地方都該
宥罪欽蒙

宥宥黜罷爲民近蒙

奏議

卷之八

八

聖恩陞授都督同知率領官軍在於

天壽山鎮守脩理關隘達賊在驢鞍嶺地方剽掠正係本官提督去處却乃全無謀勇致賊殺官軍并弋謙先任交趾布政使與王通共守一城不能運謀設策棄城捐地辱國喪師亦係宥宥罷歸爲民人數旣往之事如此方來之事可知古人所謂敗軍之將不可以言勇者其王通弋謙之謂也比因言者屢薦弋謙可用

皇上聖明真知灼見先奉

令旨不准又奉

聖旨弋謙既爲民了罷欽此除欽遵外今又自薦以
白身叅贊王通軍務中間顯有徇情妄舉情由
難以准理等因具題各官奉

聖旨是欽此除欽遵外今弋謙又奏稱王通先在交
阯議以爲交蠻負固恃險叛服不常不應以此
稍末無益之地致累根本空虛此地決可棄不
可守各官依允班師退出王通誠當今忠良儒
將熟計破虜秘計却陰擠著令脩守

奏議

卷之八

八十一

山陵一節臣等切照交阯地方永樂初年

太宗文皇帝命將討平置立郡縣彼因黎賊叛逆王
通掌握重兵圖復故地既有弋謙等在於軍門
計議軍務所宜竭忠盡城効力死守雖或城陷
身斃猶全忠義之節各官計不出此顧乃不由
君命擅棄城池控

朝廷之威遺蠻貊之笑而弋謙正上謀同惡之人

顧謂此地決可棄而不可守因而班師退出使
王通弋謙爲將而守近畿萬一遇敵窘迫亦謂

不可守而棄之乎人臣之義抑又何在苟如所言則張巡許遠之死節睢陽蓋有不足取者強辯不忠莫此爲甚彼時各人雖置極刑猶有餘罪

朝廷特降

恩典宥宥爲民爾因虜寇之猖獗正當用人而匡濟欽命王通陞都督同知令其守城禦寇旣無驍勇又無智謀及在西直門外因是賊情緊急遂往寺中窩宿不敢一出京城此時有目者所共見以

奏議

卷之八

八十二

後事定令去

天壽山鎮守夫以

宥宥之編氓驟進都督之顯宦復

命統領官軍守備

山陵重地禮遇渥厚任用非輕今弋謙所言如此緣

鎮守

天壽山之命由於內官武良之舉未審何人陰擠臣

等不曉其由其稱要選調官軍八萬令王通甯

懋阮遷于統領并宣府大同總兵官處官軍再

選四萬共一十二萬專在大同討賊一節查得近該宣府等處總兵等官節次奏報賊寇聲息本部已經議奏

欽命武清侯石亨克總兵官都督孫鏜范廣過興張義克右副總兵叅將各營揀選官軍六萬員名團營操練及令都督石彪雷通克遊擊將軍另操精銳馬隊官軍六千聽候策應宣府都督劉深另揀三千策應遼東并宣府大同等處邊方城池所有軍馬俱係原先派定各守本城遇警聽總兵官調度已定况脫脫不花也先節次遣人赴京朝貢請和不曾糾衆侵犯邊境卽日又係炎熱時月邊儲饋運不敷若便

命將出師討賊非惟士衆困倦難於成功抑且京師重地缺人防護合無候虜人果有釁隙可乘各邊糧草足備另行計議大舉以復前日之仇其言要將虜使斷臂割耳等因乃彼小丈夫之事

而非爲國大體所言難准臣又看得弋謙奏內所言秉政重臣不悅王通及病國病民莫此爲

奏議

卷之八

八十三

甚等因雖不明言爲誰臣等實掌兵政意在指
臣爲辭切念臣本以書生叨膺重寄旣居保傅
之官又兼六卿之任加以總督軍務而才器不
逾於常人聲望弗協於輿論屢嘗懇辭未賜

俞允茲當多事之秋正係更賢之日苟復冒昧貪榮
不知紀極萬一有誤大計萬歿莫贖弋謙所言
激切反覆不置必有所見而各營總兵等官武
清侯石亨等雖係任用旣久事無過舉屢効勤
勞而弋謙亦謂將無智愚之別兵無揀練之方

奏議

卷之八

八十四

中含不足臣觀弋謙之意必欲用王通及已臣
等所言王通弋謙之事但因其旣往而逆其方
來尤恐王通等別有奇謀異見非臣所能窺測
不可有妨賢路合無將王通甯懋阮遷干量爲
陞授就令王通石亨等官掌管前項團操軍馬
及將弋謙亦量陞職代臣總督軍務令各官務
在展布平昔抱負措置匡濟艱難不可又如臣
等愚昧無知虛文應用惟望復臣右侍郎舊職
佐理部事及兼管操練遇警隨軍殺賊以圖補

報庶幾合衆論之公愜天下之望臣叨受

國恩至深至重所宜盡死豈敢辭難但輿論不容
兼且恐誤軍國重計以獲罪於身家以獲罪於
天下後世以獲罪於

天地鬼神以此昧死干瀆

天聽緣節奉

欽依兵部通看了來說事理具題景泰二年六月初

山刻二日奉

聖旨弋謙言不顧行自己已有過却說他人既先辱國

奏議

卷之八

八十五

聖喪師不可復用王通仍舊鎮守

山陵甯懋阮遷干著跟石亨團操但有聲息調當先
殺賊有功一體陞賞其餘的事不必論欽此

人謝辭前奉

大抵以順以此相承于費

天不於世以蘇罪然

兼且恐誤軍國重計以獲罪於身家以獲罪於

國恩至深至重所宜盡死豈敢辭難但輿論不容

于忠肅公集卷之八

終

公神天下之望臣叨受

